



**NATIONAL
YOUTH
CONGRESS**



**BASHKIA
TIRANË**



Aneksi 5. Udhëzuesi i Thirrjes

(për të orientuar në lidhje me aplikimin për Projekt Ide në kuadër të TEYC2022)

1. Hyrje

Ky udhëzues është konceptuar si një mjet ndihmues për të gjithë aplikantët e interesuar në Thirrjen e hapur për aplikime me Projekt Ide për projekte në kuadër të TEYC 2022. Qëllimi i udhëzuesit është të ofrojë këshilla të qarta dhe praktike për të detajuar dhe shpjeguar objektivin e thirrjes, kujt i drejtohet, formateve dhe teknikaliteteve të aplikimit, kriteret e vlerësimit si dhe afatet dhe fazat e saj.

Përshkrimi i Thirrjes për Projekt Ide, kontekstit dhe afateve të saj

Kryeqyteti Europian i Rinisë është një titull që jepet nga Forumi Europian i Rinisë i krijuar për të fuqizuar të rinjtë, për të nxitur pjesëmarrjen e të rinjve dhe për të forcuar identitetin europian.

Çdo vit, pas një aplikimi serioz dhe shumë konkurrues, një qyteti të ri evropian i jepet shansi për të shfaqur idetë, projektet dhe aktivitetet e tij novatore që synojnë të fuqizojnë të rinjtë dhe të sjellin një perspektivë të re rinore në të gjitha aspektet e jetës së qytetit.

Nga transporti publik dhe infrastruktura tek programet social-kulturore, arsimore dhe pjesëmarrja në politikë bërje, titulli Kryeqyteti Europian i Rinisë fton qytetet anembanë kontinentit të ri mendojnë se si të angazhojnë dhe të përfshijnë të rinjtë.

Në vitin 2018 pas një reflektimi disa mujor dhe disa takimeve koncertuese, Kongresi Rinor Kombëtar vendosi t'i drejtohet Bashkisë Tiranë si institucion përgjegjës i qeverisjes lokale të Tiranës për të ndërtuar një urë bashkëpunimi e për të aplikuar për këtë titull.

Kongresi Rinor Kombëtar është një organizatë ombrellë organizatash rinore, grupesh jo formale, forumesh rinore të partive politike, me një përfaqësi prej më shumë se 120 entitetesh, me qëllim shkëmbimin e informacionit, nxjerrjen në pah të çështjeve të të rinjve, advokimin dhe lobimin për zgjidhjen e këtyre çështjeve dhe ngritjen e kapaciteteve për të gjitha entitetet e përfshira në rrjet.

Puna e zhvilluar në kuadër të aplikimit të EYC u përshkua nga një seri konsultimesh dhe takimesh sistematike me organizata rinore e grupe jo formale mbi identifikimin e prioriteteve dhe thurjes së programit për tu prezantuar në këtë aplikim. Sugjerimet dhe rekomandimet e evidentuara në këto konsultime u gërshetuan me Planin kombëtar të veprimit 2015-2020, Planin lokal i veprimit për Rininë 2020-2023 dhe Strategjia lokale për Rininë, Bashkia Tiranë.

Pas një rrugëtimi që zgjati më shumë se një vit grupi i punës i Kongresit Rinor Kombëtar, në



**NATIONAL
YOUTH
CONGRESS**



**BASHKIA
TIRANË**



bashkëpunim me Bashkinë Tiranë, arriti të ndërtojë një Projekt-Program të plotë dhe tejet ambicioz, i cili u vlerësua nga juria e EYF si aplikimi fitues, duke bërë që Tiranës t'i atribuohet titulli e të kthehet në Kryeqytetin Europian të të rinjve për vitin 2022.

TEYC2022 paraqitet si një makro program që do të zgjasë 365 ditë, gjatë të cilave do i jepet jetë një kalendar projektesh me iniciativa e aktivitete të shumta, të cilat do të mbulojnë një gamë të gjerë tematikash e prioritetesh që shohin në qendër Rininë.

Ky program synon të fuqizojë Rininë duke krijuar mundësi të reja e duke i dhënë asaj një dimension evropian. Ndër të tjera programi synon:

- të sjellë ndryshime pozitive;
- të inkurajojë pjesëmarrjen aktive;
- të promovojë vullnetarizmin;
- të nxisë identitetin evropian;
- të promovojë e të mbrojë diversitetin dhe gjithë përfshirjen;
- të fuqizojë organizatat rinore;
- të rrisë investimet për të rinjtë;
- të transformojë qytetin në një pikë ndërkombëtare takimi;
- të krijojë rrjetëzime dhe sinergji mes të rinjve nga e gjithë Europa.

TEYC2022 do të zbatohet përmes 8 Programeve, të cilët qëndrojnë si kolona mbajtëse të të gjithë makro programit Activ∞.

2. Qëllimi i Thirrjes për aplikime për Projekt Ide në kuadër të TEYC2022

Thirrja e hapur për aplikime për Projekt Ide në kuadër të TEYC2022 ka për qëllim identifikimin e ideve për projekt propozime të cilat do të kontribuojnë drejtpërdrejt në realizimin e 8 programeve të parashikuara në makro programin TEYC2022. Programet janë hartuar në konsultime të vazhdueshme me shumë aktorë politikëbërës qëndrorë dhe vendorë, donatorë kombëtar dhe ndërkombëtar, organizata të shoqërisë civile, studentë, gjimnazistë etj. Tërësia e programeve përbën një ndërhyrje komplekse për të rritur vëmendjen ndaj nevojave dhe ideve të rinisë, përmirësuar dialogun dhe pjesëmarrjen e të rinjve në jetën komunitare të qytetit si dhe rishikimin e hapësirave dedikuara të rinjve. Realizimi i programeve dhe rezultatet e pritshme nga to, synojnë jo vetëm një impakt të matshëm, por edhe të qëndrueshëm gjatë dhe pas periudhës së zbatimit të TEYC2022.

Dimensioni Evropian i Programit është i ndërthurur në shumë nga komponentët e tij duke prekur edhe çështje sfiduese rajonale, si emigrimi, papunësia e të rinjve, pabarazia gjinore, etj.

Lista e programeve si më poshtë është e detajuar në komponentët përkatës në Aneksin Nr. 6, Programet e parashikuara të TEYC2022 të cilin e gjeni në paketën e plotë të aplikimit.



**NATIONAL
YOUTH
CONGRESS**



**BASHKIA
TIRANË**



Nr.	Emri i programit
1	Rinia prodhon Ekonomi Krijuese dhe Novacion
2	Rinia krijon Kulturë
3	Rinia zhvillon Kapacitete
4	Rinia dhe Pjesëmarrja
5	Rinia dhe Diversiteti
6	Rinia është Europiane
7	Rinia dhe Eco-Health
8	Rinia dhe Hapësirat rinore

3. Lotet e granteve të thirrjes dhe aplikuesit e lejuar

Kjo thirrje për Projekt Ide është e hapur për subjektet sipas tabelës më poshtë specifikuar dhe Loteve përkatëse për të cilët subjektet mund të aplikojnë.

Subjektet aplikuese	Limitet e fondit që mund të aplikojnë	LOT
Organizata të shoqërisë civile	Deri në 7,500,000 LEK	1
Grupe Jo-Formale	Deri në 1,400,000 LEK	2
Individ	Deri në 700,000 LEK	3

4. Kriteret e nevojshme që duhet të plotësojnë subjektet aplikuese

➤ Organizata të Shoqërisë Civile

Në këtë thirrje mund të aplikojnë organizatat rinore dhe organizata për të rinjtë¹. Përveç sa me sipër, një organizatë aplikuese duhet të plotësojë kushtet si më poshtë në mënyrë që të merret në konsideratë aplikimi i saj:

¹ Sipas kuptimit të nenit nr. 3, LIGJ Nr. 75/2019, PËR RININË



**NATIONAL
YOUTH
CONGRESS**



**BASHKIA
TIRANË**



Nr.	Kriteri	Dokumentet vërtetues/mbeshtetës
1	Të jetë e regjistruar sipas legjislacionit Shqiptar ² në territorin e Shqipërisë në momentin e dërgimit të aplikimit.	Vendimi i Gjykatës, Statuti dhe Akti themelimit të Organizatës së bashku me vendimet e ndryshme, të cilat reflektojnë ndryshime, në rast se ka patur. Ekstrakti historik i organizatës. (lëshuar brenda 3 muajve të fundit).
2	Të jetë organizatë rinore ose organizatë për të rinjtë ³ .	CV përshkruese të punës së organizatës që nga momenti i themelimit. Portofoli duhet të përmbajë informacion për projektet e zbatuara së bashku me buxhetin e tyre, donatorët përkatës, partnerët etj. Në rastet e aplikimeve në partneritet, duhet të dorëzohen CV të organizatës aplikuese dhe atyre partnere. Në rastet e organizatave të reja, në pamundësi të CV-së, (të themeluara/regjistruara rishtazi) mund të dorëzohen CV të personave të angazhuar në organizatë si drejtuesi ekzekutiv apo staf tjetër i angazhuar në organizatë si punonjës /ekspert.
4	Të jetë me status Aktiv	Vërtetim nga e-Albania i lëshuar brenda 30 ditësh nga data e aplikimit.
5	Të ketë një llogari bankare në një bankë të nivelit të dytë	Vërtetim që organizata ka një llogari bankare aktive e lëshuar brenda 30 ditësh nga data e aplikimit (vërtetimit të llogarisë bankare me firmë e vulë nga banka).
6	Të mos ketë detyrime pranë organeve tatimore	Vërtetim që organizata nuk ka detyrime tatimore të pa shlyera referuar muajit nëntor 2021
7	Të mos ketë konflikt Interesi	Vetë deklaram – Aneksi 4a

² Sipas kuptimit të LIGJIT Nr. 80/2021

³ Sipas kuptimit të nenit nr. 3, LIGJ Nr. 75/2019, PËR RININË



**NATIONAL
YOUTH
CONGRESS**



**BASHKIA
TIRANË**



➤ Grupe Jo Formale

Duke patur parasysh natyrën e grupeve jo formale kriteret për të qenë aplikues janë si më poshtë. Tabela shpjegon gjithashtu dhe me cilat dokumente një grup provon se i plotëson apo jo kriteret e nevojshme.

Nr.	Kriteri	Dokumentat vërtetues/mbeshtetës
1	<p>Grupi Jo Formal të jetë i qëndrueshëm dhe të ketë në fokus të punës programin e TEYC2022 në të cilin aplikon.</p> <p>Të ketë eksperiencë në inicim, lancim apo zbatim të ideve apo aksioneve komunitare /qytetare të ndryshme.</p> <p>Në rastin e formuar rishtazi, grupi jo formal duhet të dëshmojë relevancën e qëllimit të krijimit të tij apo të ndërhyrjes që planifikon të kryejë.</p>	<p>a. CV përshkruese e grupit jo formal e cila duhet të përmbajë:</p> <ul style="list-style-type: none"> - periudhën e krijimit të grupit; - listën e anëtarëve; - aktivitete të zhvilluara apo iniciativa të ndërmarra, nëse ka; - fonde të menaxhuara, nëse ka; - kapacitete/burime të grupit, etj.; - links të rrjeteve sociale website (nëse ka); publikime të aktiviteteve, dalje publike në TV, media, etj. <p>b. Të paktën 2 Referenca/ letra rekomandimi</p>
2	Të ketë një strukturë të mirë përcaktuar funksionimi.	Struktura organizatave së bashku me identifikimin e personave për çdo funksion.
3	Të ketë një përfaqësues/Koordinator.	<ul style="list-style-type: none"> - ID të vlefshme; - CV të përditësuar; - Dëshmi penaliteti; - Të ketë nënshtetësi shqiptare ose të jetë resident në Republikën e Shqipërisë.
4	Të gjithë anëtarët të jenë të informuar dhe dakord për aplikimin e projekt idesë.	Deklaratë e përbashkët e anëtarëve (e noterizuar) të grupit jo formal për dakordësinë e tyre mbi Projekt Idenë dhe zbatimin e saj në rast të shpalljes fituese. Kjo deklaratë duhet të përmbajë gjithashtu edhe dakordësinë për përfaqësuesin për këtë projekt ide.
5	Të mos ketë konflikt Interesi.	Vetë deklaram – Aneksi 4b



**NATIONAL
YOUTH
CONGRESS**



**BASHKIA
TIRANË**



➤ Individë

Individi mund të aplikojnë në LOT-in e dedikuar në rast se plotëson kriteret si në tabelën më poshtë.

Nr.	Kriteri	Dokumentat vërtetues/mbeshtetës
1	Të jetë shtetas shqiptar ose rezident në Republikën e Shqipërisë.	ID të vlefshme Vërtetim banimi ose/dhe Leje qëndrimi
2	Të ketë eksperiencë (pune/vullnetare) në fushën e projekteve të menaxhuara në organizata të shoqërisë civile, institucione, etj.	CV të plotë të shoqëruar me dokumente që verifikojnë angazhimin e tij/saj; Dokument vërtetues (letra reference, rekomandime, certifikata) mbi angazhimet e individit në fushën e shoqërisë civile, rinisë, nismave lokale, komunitare, etj.
3	Të ketë eksperiencë si i/e punësuar, vullnetar, intern apo praktikant.	Të paktën 2 Referenca lëshuar nga punëdhënës, profesor, mësues apo supervisor të cilët kanë punuar drejtëpërdrejtë me individin.
4	Të mos jetë i/e dënuar me vendim të formës së prerë.	Dëshmi penaliteti ⁴ .

5. Modalitet e Thirrjeve

Të gjitha programet janë ideuar dhe konceptuar nga OSHC aktive në nivel lokal, kombëtar dhe ndërkombëtar gjatë procesit të shkrimit të aplikimit të TEYC2022. Në këtë kuadër, aplikimi fitues i KRK dhe BT për TEYC2022 përmban idetë e organizatave së bashku me cilësimin e tyre si partnerë për zbatimin e TEYC2022. Për këtë arsye autoriteti kontraktues, KRK, ka vendosur të këtë dy modalitete aplikimi.

Modaliteti	Kush mund të aplikoj në këtë modalitet
1. Thirrje Direkte për Projekt Ide	Organizatave rinore dhe për të rinjtë, grupet jo formale dhe individët të cilë kanë kontribuar me projekt ide që në fazën e aplikimit për TEYC2022.
2. Thirrje të hapura për Projekt Ide të Reja	Çdo subjekt i cili plotëson kriteret sipas pikës 5 si më sipër.

⁴ Sipas nenit 7, të Ligjit Nr. 9614, datë 21.9.2006, “Për certifikatat elektronike të gjendjes gjyqësore”
https://www.drejtesia.gov.al/wp-content/uploads/2018/10/formulari-i-vetdeklarimit_gjendja-gjyqesore.pdf



NATIONAL
YOUTH
CONGRESS



BASHKIA
TIRANË



Shënim: të gjitha seksionet më poshtë janë të vlefshme për aplikimet në të dyja modalitetet e thirrjeve më sipër Direkte dhe të Hapura.

6. Rastet e konfliktit të interesit

Subjekti aplikues duhet të sigurohet që të evitojë kushtet e konfliktit të interesit sikurse parashikuar në dispozitat e Ligjit nr. 9367, datë 7.4.2005, i ndryshuar “Për parandalimin e konfliktit të interesave në ushtrimin e funksioneve publike”. Përveç sa më sipër, për të evituar konfliktin e interesit në kuadër të kësaj thirrje është e nevojshme që:

- **Në rastin e Organizatave** - Drejtori ekzekutiv/përfaqësuesi ligjor i organizatës, apo personat e planifikuar për t’u përfshirë në projekt të mos jenë të punësuar në asnjë nga strukturat më poshtë në momentin e aplikimit në thirrje:
 - drejtuesit e institucioneve publike të qeverisjes qendrore apo lokale;
 - në strukturat menaxhuese dhe drejtuese të TEYC2022. (Pra nuk mund të jetë anëtar i Bordit Drejtues, Bordi Honorifik apo i punësuar);
 - pranë Kongresit Rinor Kombëtar si palë menaxhuese e TEYC2022.
- **Në rastin e Grupeve jo formale** – personi përfaqësues/Koordinator, apo personat e planifikuar për t’u përfshirë në projekt të mos jenë të punësuar në asnjë nga strukturat më poshtë në momentin e aplikimit në thirrje:
 - drejtuesit e institucioneve publike të qeverisjes qendrore apo lokale
 - në strukturat menaxhuese dhe drejtuese të TEYC2022. (Pra nuk mund të jetë anëtar i Bordit Drejtues, Bordit Honorifik apo i punësuar);
 - pranë Kongresit Rinor Kombëtar si palë menaxhuese e TEYC2022.
- **Në rastin e Individit** – të mos jetë i punësuar në asnjë nga strukturat më poshtë në momentin e aplikimit në thirrje:
 - drejtues i institucioneve publike të qeverisjes qendrore apo lokale;
 - në strukturat menaxhuese dhe drejtuese të TEYC2022. Pra nuk mund të jetë anëtar i Bordit Drejtues, Bordit Honorifik apo i punësuar;
 - pranë Kongresit Rinor Kombëtar si palë menaxhuese e TEYC2022.

Në rastet e evidentimit të konfliktit të interesit sipas specifikimeve më sipër, aplikimi do të konsiderohet i pavlefshëm.



**NATIONAL
YOUTH
CONGRESS**



**BASHKIA
TIRANË**



7. Kohëzgjatja e zbatimit të Projekt Ideve

Periodha e zbatimit të projekteve në kuadër të kësaj thirrje është:

Shkurt 2022 - Dhjetor 2022. Për rrjedhojë, projektet duhet të kenë një shtrirje kohore nga 2-11 muaj.

8. Territori i Zbatimit të Projekt Ideve

Të gjitha Projekt Idetë do të zbatohen në territorin e Republikës së Shqipërisë si dhe në nivel rajonal dhe evropian sipas parashikimit në Projekt Ide.

9. Partneriteti dhe bashkëpunimi

Aplikuesit mund të aplikojnë të vetëm apo në partneritet në thirrjen për Projekt Ide. Partnerë mund të konsiderohen vetëm subjektet e lejuara aplikuese (OSHC, Grup Jo Formal dhe individë). Në këtë thirrje nuk ka kufizime për numrin e partnerëve, por duhet që aplikuesi (drejtuesi i projekt idesë) të jetë i/e regjistruar/rezident në territorin e Republikës së Shqipërisë. Institucionet publike qëndrore apo vendore, institucione në varësi apo kompani privatë mund të jenë pjesë e Projekt Idesë por vetëm si bashkëpunëtor.

Në rastin e partneritetit, duhen plotësuar me kujdes e gjithë pjesa e formës së aplikimit të cilat kërkojnë informacion në lidhje me partnerët. Aplikuesit duhet të shpjegojnë gjithashtu se si partneriteti i propozuar mundëson apo përmirëson projekt idenë.

Të qenurit aplikues për një projekt ide nuk penalizon organizatën/grupin jo formal/individin për të qenë partnerë në disa projekt ide në kuadër të thirrjes.

10. Paketa e aplikimit dhe dorëzimi i saj

Paketa e plotë e thirrjes e cila duhet dorëzuar përmban:

1. Formatin e plotësuar të Projekt Idesë (Aneks Nr. 1)
2. Buxhetin e detajuar të projekt idesë (Aneks Nr. 2)
3. Të gjithë dokumentet identifikues dhe/ose mbështetës (sipas Aneksit Nr. 3)
4. Vetë deklarin mbi konfliktin e Interesit (Aneksi Nr. 4)

Të gjithë dokumentet si më sipër duhet të dorëzohen brënda datës **9 Janar 2022 ora 17:00** në adresën e-mail: aplikime@krk-teyc2022.al



NATIONAL
YOUTH
CONGRESS



BASHKIA
TIRANË



Dokumentet duhet të dorëzohen **vetëm më postë elektronike** dhe në subjekt të email-it të specifikohet “Projekt ide për projekte në kuadër të Tirana European Youth Capital 2022”. **Dokumentet, fizikisht sipas kritereve të aneksit nr. 3 do të dorëzohen gjatë fazës së negocimit me kërkesë të stafit të KRK-së në kuadër të TEYC2022.**

11. Informacion dhe pyetje mbi Thirrjen

Autoriteti kontraktues do të organizojë 5 sesione informuese on-line gjatë muajit Dhjetor 2021. Detaje për aksesimin e këtij takimi do të jepen në faqen zyrtare të TEYC2022.

Për çdo pyetje pas zhvillimit të sesioneve informuese subjektet e interesuara mund të konsultohen me rubrikën Q&A në website zyrtar <https://tiranaeyc2022.al/>

Për çdo informacion të mëtejshëm apo paqartësi, mund të na shkruani në info@tiranaeyc2022.al

12. Fazat e përzgjedhjes së Projekt Ideve dhe procesi në vazhdim.

Shënim: Duke qenë se thirrja nuk është e bazuar në parimin e konkurrencës dhe qëllimi i TEYC2022 është që të akomodojë maksimalisht projekt idetë pa humbur cilësinë dhe konform qëllimit të titullit, Ju ftojmë të lexoni me kujdes pikat e poshtë përmendura.

Në përfundim të afatit të kësaj thirrje, **9 Janar 2022**, do të shqyrtohen dhe vlerësohen të gjitha aplikimet e dorëzuara.

- Për projekt idetë të cilat kanë kaluar kontrollin administrativ, por ky i fundit ka hapësirë për përmirësim/qartësim ose ka pikë prerje me aplikues të tjerë, do të ftohet nga Autoriteti Kontraktues (KRK), për një takim negociues. Ky proces parashikohet të ndodhë gjatë muajit Janar 2022, ku aplikuesve do u jepet mundësia e përmirësimit të aplikimeve të tyre;
- Për projekt idetë të cilat do të kalojnë me sukses fazën e negocimit, aplikuesit do të ftohen të nënshkruajnë kontratën me Kongresin Rinor Kombëtar brenda muajit Janar 2022;
- Për projekt idetë, aplikuesi/it e të cilave nuk plotësojnë kriteret teknike, do njoftohen mbi statusin e aplikimit brenda muajit Janar 2022.

Në fund të procesit të përgatitjes së aplikimit të plotë dhe pas miratimit të projekteve fituese, subjekti aplikues do të ftohet të firmosë një kontratë e cila do të ketë të gjitha të drejtat dhe detyrimet e palëve të përcaktuara qartë. Kontrata parashikon financim paraprak për realizimin e projektit me tre transhe:

Transhi I – 50% e grantit lëvrohet pas firmosjes së kontratës;

Transhi II – 40%, e grantit lëvrohet pas dorëzimit dhe miratimit të raportit afatmesëm;



NATIONAL
YOUTH
CONGRESS



BASHKIA
TIRANË



Transhi III – 10 %, e grantit lëvrohet pas dorëzimit dhe miratimit të raportit përfundimtar.

13. Vlerësimi i Projekt Ideve

Vlerësimi i aplikimeve për Projekt Ide do të kryhet si më poshtë:

- Aplikimi brenda aftatit të përcaktuar;
- Dorëzimi sipas kërkesave të pikës 10 si më sipër;
- Aplikimi përmban të gjitha dokumentet vërtetues/mbështetës sipas pikës 4 dhe 10 si më sipër.

Kjo fazë vlerësimi është skualifikuese, në rastin kur aplikimi nuk plotëson kriteret. Në këto kushte projekt ideja nuk do të shqyrtohet nga ana përmbajtësore nga komisioni i vlerësimit.

14. Lista e anekseve të thirrjes

Aneks 1 – Formulari i Aplikimit

Aneks 2 – Formular Buxheti

Aneks 3 – Lista e dokumenteve

Aneks 4 – Vetë deklaram (Konflikt Interesi)

Aneks 5 – Udhëzuesi i Thirrjes

Aneks 6 – Programet e TEYC2022